

說
文
引
經
考

說文引經考

長洲程際盛東冶纂

逸周書

按漢藝文志周書七十一篇劉向云蓋孔子所論百篇之餘說文引文翰若翬雉又引獠有爪而不敢以楸皆作逸周書隨唐志繫之汲冢考汲冢得竹簡書在晉咸寧五年應作逸周書又儀禮鄉射禮鄭註引王會篇北唐以閭析羽爲旌作周書若汲冢書康成所不見也

彙疑沮事

木部

文酌解聚疑沮事

按說文脫彙字惠棟云周書彙訛爲聚宋刻亦然宋人不識字賴說文校正今宋本說文亦缺此字唯玉篇所載無缺

不卵不踧以成鳥獸 羽部 文傳解不膚不卵以成鳥獸之長

朕實不明以佻伯父 人部 犬戒解朕實不明

按無下以佻句

揚州獻鱮 魚部 王會解揚州馬

駮獸如馬倨牙食虎豹 馬部 王會解義渠以茲白若白

馬鋸牙食虎豹

按又見爾雅山海經引經考

氏羌獻鸞鳥

鳥部

王會解氏羌以鸞鳥

文翰若翬雉

羽部

王會解蜀人以文翰文翰者若翬雞

按郭注爾雅引之作彩雞

周成王時州靡國獻鬻人身反踵自笑笑卽上脣掩其

目食人北方謂之土噉

丸部

王會解州靡費費其形大

身跂踵自笑笑則上脣翕其目食人北方謂之吐噉

按又見爾雅山海經引經考

西方有獸前足短與蚤蚤巨虛比

泚部

王會解獨鹿叩

叩距虛善走也孤竹距虛

按又見爾雅山海經引經考

駒駢北野之良馬馬部王會解禹氏駒駢

按又見爾雅山海經引經考

駸馬赤鬣縞身目若黃金名曰媽吉皇之乘周文王時

犬戎獻之馬部王會解犬戎文馬文馬赤鬣縞身目若

黃金名古皇之乘

按又見山海經引經考

甸奴地有狡犬巨口而黑身大部王會解甸奴狡犬狡

犬者巨身四足果

獬有爪而不敢以據豕部周禮解爪作蚤

士分民之祿

示部

按墨子士作言

味辛而不爇

火部

均匠

立部

實元黃子匪

匕部

說文引經考

長洲程際盛東海纂

詩經

在河之州 川部 周南關雎首章在河之洲

按注鉉曰今別作洲非是古九州與州渚皆作州今本爾雅尙書及毛詩皆俗人妄加水

窈窕 日部 關雎首章窈窕淑女

參差荇菜 木部 關雎二章參差荇菜

按荇或从行顏氏家訓引詩云參差荇菜引爾雅云荇萋余也今爾雅作接余釋文本亦作荇

左右芼之關雎三章同

按玉篇引詩左右芼之

服之無斲

戈部

葛覃二章同

按禮記作服之無射釋文本又作鞞覃本亦作覃

我乃酌彼金罍

欠部

卷耳二章我姑酌彼金罍

按爾雅作卷耳釋文姑引說文作乃又漢書注酌彼

金罍

陟彼岵矣

山部

卷耳四章陟彼俎矣

按說文注石戴土也考爾雅釋山云石戴土謂之崔

嵬土戴石爲俎二注相反又毛傳石山戴土曰俎釋

名石戴土曰岨土戴石曰崔魏與說文同又釋文作
礎云本亦作礎。按又見爾雅引經考注

我馬瘡矣

疒部

卷耳四章同

按釋文本又作屠非

我僕痛矣

疒部

卷耳四章同

按釋文本又作鋪同

葛藟藟之

艸部

樛木三章葛藟藟之

按釋文藟本亦作梟幣本又作縈引說文作藥樛木

韓詩作杓木

葛藟藟之

衣部

螽斯羽詵詵兮

言部

螽斯首章同

按子貢詩傳申培詩說俱作螽斯爾雅作蜚又釋文

引說文詵作辵

桃之夭夭

木部

桃夭三章桃之天天

按釋文天引說文作夭

桃之媿媿

女部

江之永矣

永部

漢廣三章皆作江之永矣

江之羨矣

永部

按詩注永叶韻戈亮反音漾韓詩作漾爾雅云漾長

也郭璞云漾所未詳是未考韓詩又齊侯罇鐘云士

女考壽萬年素保其身是素乃古永字韓詩從古文
故作素

怒如朝飢

心部

汝墳首章怒如調飢

按釋文作調又作朝怒韓作懈又按朝應是朝字之
誤朝朝形聲相近又六經正誤愁如字又作怒今詩
作怒正字也愁草字也建本作愁尤非

魴魚脰尾

赤部

汝墳三章魴魚頰尾

按說文脰或從貞釋文作頰又作頰並同引說文作
脰左傳哀十七年傳如魚窺尾作窺

王室如燬

火部

汝墳三章王室如燬

言方引經考
按爾雅釋言引詩王室如燬燬齊人語後漢書列女傳引韓詩亦作焜釋文齊人謂火曰燬郭璞又音貨

字書作焜

于沼于沚

水部

召南采芣首章同

按釋文芣本亦作繁

憂心忡忡

心部

草蟲首章同小雅出車五章同

按釋文蟲本或作虫非也

憂心愴愴

心部

草蟲二章同

于以采藻

艸部

采蘋首章于以采藻

召伯所戾

广部

甘棠首章召伯所芟

按庚菱異訓庚草舍也菱艸根也一曰艸之白華爲菱據此詩菱字當作庚又漢書作菱白虎通引詩亦作菱釋文引說文作庚

黻羔裘之縫

黑部

羔羊三章羔羊之縫

按羔羊二章素絲五絨黻卽絨字又見爾雅引經考

標有梅

受部

標有梅三章皆同

按釋文引韓詩作榘說文榘亦梅字

標有梅

手部

嘒彼小星

口部

小星首章二章同

江有汜

水部

江有汜首章作汜

按兩引詩江有涘作汜者後人增入又詩考引說文作涘

江有汜

水部

其獻也

訶 欠部

江有汜三章其嘯也歌

按釋文引作嘯

無使虬也

吠 大部

野有死麕三章同

按詩傳詩說俱作野有死麕釋文作野有死麇注本亦作麕又作麇

何彼禮矣

衣部

何彼禮矣首章二章皆作禮

按禮石經作禮釋文禮如容反韓詩作莪莪音戎又

按干祿字書禮禮禮華字上通下正

彼茁者葭

艸部

騶虞首章同

一發五豝

豕部

騶虞首章壹發五豝

于嗟乎騶虞

虍部

騶虞首章二章同

按詩傳詩說俱作鄒虞又玉海紀詩云周禮疏異義
今詩韓魯說騶虞天子掌鳥獸官又劉芳詩義疏騶
虞或作吾又山海經林氏國有珍獸名曰騶吾

威儀秩秩

走部

邶風柏舟三章威儀棣棣

按釋文柏字又作栢又漢書注引栢舟威儀逮逮釋
文棣棣本或作逮朱穆傳注引威儀棣棣不可算也

詩大雅假樂五章有威儀抑抑德音秩秩

五

今詩無此句大雅假樂五章有威儀抑抑德音秩秩

之句

憂心悄悄心部 栢舟四章同小雅出車二章同

晤辟有標日部 栢舟四章寤辟有標

按爾雅辟作擗釋文辟本又作擘

不能奮飛奎部 栢舟五章同

終風且暴水部 終風首章終風且暴

按毛詩注暴疾也說文注疾雨也一日瀑質也又按

齊人謂雷為質瀑者雷也

終風且霾雨部 終風二章同

終風且曠

日部

終風三章同

願言則嚏

口部

終風三章同

塏塏其陰

土部

終風四章曠曠其陰

按韓詩亦作塏塏

擊鼓其鼗

鼓部

擊鼓首章擊鼓其鐙

擊鼓其鐙

金部

按作鼗是作鐙者乃後人所增又按詩考引說文雉章有遙遙我思句卽悠悠我思句今說文不載

深則砮

水部

匏有苦葉首章深則厲

按砮或从灑毛傳本爾雅釋詩謂以衣涉水曰厲說

文注履石渡水也互異又釋文引韓詩至心日厲引

說文作砮韓詩外傳深則厲

有鷺雉鳴

鳥部

匏有苦葉二章同

按周禮媒氏賈疏引匏有苦葉章云士如歸妻我尙
及冰與今詩異附識於此

行道遲遲

走部

谷風二章同

行道遲遲

言部

按六經正誤謂建本作遲紹興注疏本與國本皆作
遲是否相半不敢改也又謂諸經遲速之遲皆作遲
唯毛詩作遲易豫卦六三遲有悔亦作遲揚雄甘泉

賦靈遲遲兮漢書高帝紀遲明園苑是漢人遲字作
遲又按說文籀文遲从犀遲或从尸

湜湜其止

水部

谷風三章湜湜其止

能不我慙

心部

谷風五章不我能慙

賈用不售

口部

谷風五章同

有洗有瀆

水部

谷風六章有洗有瀆

碩人俛俛

人部

簡兮二章同

按俛韓詩作扈扈簡詩傳詩說俱作東東伶人名釋

文簡字從竹或作蒹是草名非也

泌彼泉水

目部

泉水首章泌彼泉水

按王伯厚曰楚韓詩作祕說文作泌今詩考引說文作眡釋文引說文亦作眡丁杰云眡彼乃詩考之誤

室人交徧催我

人部

北門三章室人交徧催我

按釋文徧古遍字摧或作催韓詩作謹引說文作催

攜手

目部

北風首章攜手同行

靜女其祿

衣部

靜女首章靜女其祿

按毛詩作姝女部引詩作靜女其媿此三家詩之異同也又釋文引說文作媿

靜女其媿

女部

優而不見

人部

靜女首章愛而不見

按繫傳未引

彤管有煒

火部

靜女二章同

按漢書青煒白煒煒讀作輝韋軍二聲混爲一矣煒音軍又况韋切者軍亦有圍音也君古音威今音軍微文二韻得通也

新臺有泚

玉部

新臺首章新臺有泚

按韓詩作新臺有淮河水泥泥又繫傳今詩新臺有泚其字从水與許慎說文別許慎雖云詩引毛氏然毛氏言約不如孔安國之備學者說之多異若鄭元本箋毛氏而其小義多與毛莫不同故許氏引詩多

與毛萇不同不得如引孔安國尙書言盡合也又新詩傳詩說俱作親鄭馬于書注及詩箋文新皆作親而訓釋則爲新蓋古親與新通也釋文泚引說文作泚

睽婉之求

目部

新臺首章燕婉之求

按繫傳今詩作嫵是又與今本不同韓詩又作嫵婉詩考引說文作睽婉

遺條

竹部

新臺首章遺條不鮮

按文見爾雅引經考

河水浼浼

水部

新臺二章同

按釋文浼韓詩作泥

得此醜醜黽部新臺三章得此戚施

按韓詩作戚施

統彼兩鬢髟部鄘風柏舟首章二章鬢彼兩鬢

按釋文鬢本又作伉又鬢引說文作髻說文髻或省作髻

牆有薺艸部牆有茨三章皆作茨

按韓詩亦作茨禮記注楚茨亦作楚薺詩考引說文作薺

副笄六珈玉部君子偕老首章同

詩文引卷老
參髮如雲 參部 君子偕老 鬢髮如雲

按參或从髟真聲

玉之瑱兮

玉部

君子偕老 二章玉之瑱也

蒙彼縵絺

糸部

君子偕老 三章同

是褻裵也

衣部

君子偕老 三章是繼裵也

是繼裵也

衣部

邶之媛兮

女部

君子偕老 三章邶之媛兮

按釋文韓詩作邶之媛也

命彼信人

人部

定之方中 三章同

駉牝

馬部

定之方中 三章駉牝三千

按說詳爾雅駮牝條下

蝮蝮在東

手部

蝮蝮首章蝮蝮在東

按韓詩作蝮蝮釋文爾雅作蝮蝮音義同又繫傳作
讀若詩蝮蝮之蝮詩考引說文作蝮蝮

相鼠有皮

目部

相鼠首章同

歸唁衛侯

口部

載馳首章同

控于大邦

手部

載馳四章同

藜竹猗猗

艸部

衛風淇奧首章綠竹猗猗

按釋文竹韓詩作薄藜爾雅作藜又按十一經問對
問藜竹之義淇澳詩作綠而大學作藜者何對曰非

竹也草而名綠竹猶花而名石竹也草木疏此草生於淇澳之旁土人號曰萊竹

瑟兮僖兮

人部

淇奧首章二章同

按說文注僖武兒朱註大學从之作武毅之貌朱注衛風又作威嚴貌然考荀子塞者俄且通也陋者俄且僖也愚者俄且知也通與塞知與愚僖與陋皆相反則僖者文雅貌非武也

赫兮喧兮

心部

淇奧首章赫兮喧兮

按釋文韓詩作宣禮記作喧

充耳琇瑩

玉部

淇奧二章充耳琇瑩

按釋文引說文作琇疑傳寫者脫艸頭

體弁如星

骨部

淇奧二章會弁如星

按周禮弁師注故書會作體引士喪禮檜讀與體同
書之異釋文引說文作體

善戲謔兮

言部

淇奧三章同

衣錦綵衣

麻部

碩人首章鄭風丰三章皆作衣錦綵衣

按書大傳衣錦尚綱作蕢注蕢讀爲綱列女傳作衣
錦綱衣又按朱子曰綵儀禮作景禮記作綱沈存中
謂綵與蕢同釋文引說文作蕢

衣錦綵衣

衣部

按惠云此引詩是後人所加

頽首

頁部

碩人二章螻首蛾眉

按詩考亦載碩人篇又繫傳云詩言螻首此引詩以解誤作從爭

美目盼矣

目部

碩人二章同

按從分爲美目從兮爲恨視今石經論孟宋人所補盼訛爲盼釋文亦引作盼

朱曠鑣鑣

巾部

碩人三章同

施罍濺濺

目部

碩人四章施罍濺濺

按韓詩亦作濺濺繫傳作泔泔

施罟濊濊 罟部

施罟濊濊 大部

施罟濊濊 水部

鱣鮪魮魮 魚部 碩人四章鱣鮪發發

按韓詩作鱣

乘彼坵垣 土部 氓二章同

士之耽兮 耳部 氓三章同

按士繫傳作女

女也不爽士貳其行 土部 氓四章同

匪其笑矣 口部 氓五章同

信誓息息

心部

氓六章信誓旦旦

按釋文引說文作息息

佩玉之儺

人部

竹竿三章同

芄蘭之枝

艸部

芄蘭之支首章作支

按釋文芄本亦作丸董氏曰支石經作枝說苑作支

童子佩觿

角部

芄蘭首章同

按釋文佩依字從人或玉傍作者非周禮眡侵注作

佩鐻

童子佩鞶

韋部

芄蘭二章同

安得蕙艸

艸部

伯兮四章焉得諼草

按韓詩作焉得誼草釋文本又作萱又引說文作蕙
或作護爾雅音義焉得蕙草集傳護忘也嚴粲曰孔
氏以護訓爲忘非草名然毛氏云護草令人忘憂又
說文蕙或从煖或从宣

報之以瓊琚

玉部

木瓜首章同

報之以瓊瑤

玉部

木瓜二章同

曷其有佻

人部

王風君子于役二章曷其有佻

按詩考引說文作佻

左執翳

羽部

君子陽陽二章左執翳

中谷有蕓

艸部

中谷有蕓三章皆同

按韓詩亦作雍

鴻其乾矣

水部

中谷有雍首章嘆其乾矣

按釋文引說文作鴻又作灘

有女化離

人部

中谷有雍三章皆同

慨其嘆矣

口部

中谷有雍首章同

按釋文本亦作歎

啜其泣矣

冏部

中谷有雍三章同

按韓詩作悞

尙寐無叱

口部

兔爰首章同

按釋文本亦作訛

雉離于罍

罍部

兔爰二章雉離于罍

按罍或从孚漢書注作雉懼于罍六經正誤謂羅懼
罍罍皆从罍與罍同作四誤考懼本俗字洪範不懼
于咎懼作麗史記作離易彖傳離麗也周禮以八辟
麗邦瀆注云麗附也杜子春讀爲羅然則離麗羅同
也又詩逢此百懼而釋文云本又作離則作懼乃後
人改耳

毳衣如綉

糸部

大車首章毳衣如綉

按爾雅引詩作莢

大車嘽嘽

口部

大車二章作嘽

言未成續考
按廣韻作大車噉噉

毳衣如毳 毛部 大車二章毳衣如璫

按釋文引說文作璫

貽我佩玖 玉部 丘中有麻三章同

按釋文作詒

膺裼暴虎 肉部 鄭風大叔于田首章膺裼暴虎

按詩注膺裼肉袒也釋文云本又作袒詩傳詩說俱

作未于田釋文本或作大叔于田者誤

抑釋棚忌 手部 大叔于田三章同

左旋右搯 手部 清人三章左旋右抽

按釋文抽引說文作搯注見尙書師乃搯下

無我敲兮

支部

大路二章無我靦兮不寔好也

按詩注靦與醜同釋文靦本亦作敲又作敲

顏如薺華

艸部

有女同車首章顏如薺華

按說文又作薺

風雨濔濔

水部

風雨首章風雨淒淒

按濔濔今作淒淒詩考同

挑兮達兮

是部

子衿三章挑兮達兮同

按詩傳詩說石經子衿俱作子衿

步兮達兮

又部

詩文引釋義
按說文引詩本作𦵏引作挑者疑後人闌入釋文引
說文作𦵏

縞衣縹巾

糸部

出其東門首章縞衣綦巾

按說文縹或从綦詩考縹作緹一作縹

出其闐闐

門部

出其東門二章同

澮與洧方渙渙兮

水部

澮洧首章澮與洧方渙渙兮

按齊詩作澮韓詩作澮漢書作方澮澮兮又按玉篇

澮水出鄭國亦作澮澮水出桂陽廣韻澮水名在河

南澮水名在鄭國此水南入洧當作澮詩作澮洧誤

釋文引說文澮作澮渙韓詩作洧又引說文作汎汎

今說文作換

瀏其清矣

水部

溱洧二章同

東方昌矣

日部

齊風鷄鳴二章東方明矣朝既昌矣

遭我乎徂之間兮

山部

還首章同

按齊詩遭我虩虩之間兮水經注作徂又按嶼山名

也字或作徂釋文崔靈恩集注本作嶼又按韓詩還

作嶼

並驅从兩豨兮

豕部

還首章並驅從兩肩兮

按韓詩作肩又周禮大司馬注引詩獻肩于公豨亦

作肩釋文驅本又作駟肩本亦作豨

婉兮嬋兮女部甫田三章婉兮嬋兮

盧獐獐犬部盧令首章盧令令

按韓詩作盧泠泠詩考引說文作獐獐

其人美且鬢髟部盧令二章其人美且鬢

盧重鋤金部盧令三章同

其人美且偲人部盧令三章同

行人儻儻人部載驅四章同

按釋文驅本亦作駢

糾糾葛屨女部魏風葛屨首章同

巖巖女手手部葛屨首章摻摻女手

按韓詩作織釋文引說文作織

撒撒女手

戈部

要之襪之

衣部

葛屨首章同

按六經正誤襪作襪誤

宛如左僻

人部

葛屨二章宛然左僻

按說文注僻避也左僻者以右爲上故讓而避左也
今作邪僻之僻殊不知邪僻之僻古只作辟

言采其蕢

艸部

汾沮洳三章同

陟彼岵兮

山部

陟岵首章同

按說文岵山有草木也岵山無草木也又爾雅多草

木曰岵無草木岵岵卽岵字音義云三蒼字林聲類
並云猶岵字釋名山有草木岵無草木岵同許氏惟
毛詩注無草木曰岵有草木曰岵與諸說不同者字
誤耳按又見爾雅引經考注

陟彼岵兮 山部 陟彼二章同

寘河之漘 水部 伐檀三章寘之河之漘兮

按釋文本亦作脣

河水清且淪漪 水部 伐檀三章漪作猗

按爾雅作瀾漪釋文猗本亦作漪

良士瞿瞿 明部 唐風蟋蟀首章同

按釋文引說文蟬作蜩

素衣朱襮

衣部

揚之水首章同

按詩傳詩說俱作揚之水又按儀禮士昏禮注宵讀爲詩素衣朱綃之綃魯詩以綃爲綺屬也

綃繆

糸部

綃繆三章同

有杕之杜

木部

杜首章二章小雅杜首章二章同

獨行踽踽

足部

杜首章同

獨行曷曷

目部

杜二章獨行曷曷

按文選注作獨行晃晃釋文本亦作晃又作晃

四鐵孔阜

馬部

秦風駟鐵首章同

說文引經考
按漢書作四載

輜車鑿鑿車部駟鐵三章輜車鑿鑿

按韓詩作鸞詩考亦作鸞

載獫狁獠大部駟鐵三章載獫狁駟

按釋文云本又作獫狁張衡西京賦載獫狁獠

五檠梁駟木部小戎首章五檠梁駟

按釋文檠本又作輦

沃以履駟車部小戎二章蓋以履駟

各矛沃鏹金部小戎三章各矛鏹鏹

交輶二弓韋部小戎三章同

宛在水中坻 土部 蒹葭二章同

惴惴其慄 心部 黃鳥三章同

馱彼晨風 鳥部 晨風首章同

按韓詩作鵙彼晨風晨一作鷓釋文引說文作鷓

隰有樹檉 木部 晨風三章隰有樹檉

按釋文云或作遂

宛丘 自部 陳風宛丘三章

市也嬖娑 女部 東門之枌二章市也娑娑

按釋文引說文作嬖徐氏曰俗作娑非是

斧以斯之 斤部 墓門首章同

按毛傳斯析也尙書鄭注同爾雅云斯侈離也孫炎曰斯析之離讀者如字

誰俯予美

人部

防有鵲巢首章二章同

按韓詩作誰俯予媿

中唐有甃

瓦部

防有鵲巢二章同

邛有旨薦

艸部

防有鵲巢二章邛有旨薦

按鵲鳥名薦草名陸璣詩疏薦五色作綬文故曰綬草是也爾雅作薦薦綬小草有雜色似綬詩考作薦又作薦董道曰鵲舊作薦

月出皎兮

白部

月出首章同

按釋文作噉兮注本又作皎

碩大且媯

女部

澤陂三章碩大且儼

按韓作媯釋文云本又作曠

棘人鬱鬱兮

冏部

檜風素冠首章棘人樂樂兮

按檜左傳作鄆棘古瘠字呂覽任地曰肥者欲棘高
誘曰棘羸瘠也詩云棘人之樂樂

匪車嚶兮

口部

匪風二章匪車嚶兮

按釋文本又作票

概之金鬻

手部

匪風三章概之金鬻

按釋文本又作概

衣裳黼黻

黼部

曹風蟋蟀首章衣裳楚楚

按釋文引說文作黼黻

蟋蟀掘閱

土部

蟋蟀三章蟋蟀掘閱

按呂祖謙曰說文掘作掘又管子曰掘閱得玉是也

何戈與祲

爻部

候人首章同

按韓詩祲作綴詩考引禮記注亦作綴樂記引作荷

戈與綴

蒼兮蔚兮

艸部

候人四章同

嬀兮蔚兮

女部

愾我寤歎

心部

下泉首章二章三章同

一之日畢發 欠部 幽風七月首章一之日虜發

按釋文引說文作畢發又六經正誤幽作幽誤

飴彼南畝 食部 七月首章小雅甫田三章小雅大田四

章飴彼南畝

按漢書作南晦

四月秀萋 艸部 七月四章同

按大戴禮夏小正四月秀幽幽卽萋也王伯厚云四月秀萋諸儒不詳其名唯說文引劉向說以爲苦萋曹氏以爾雅本草證之知爲遠志

五月鳴蜩 虫部 七月四章同

十月隕葦

艸部

七月四章同

塞向墜戶

戶部

七月五章同

按儀禮疏作塞鄉

食鬱及藿

艸部

七月六章六月食鬱及藿

按韓詩六月食鬱及藿爾雅疏藿山韭

黍稷種稑

禾部

七月七章黍稷重穆魯頌閟宮首章亦

作黍稷重穆

按繫傳未引詩鄭氏作黍稷種稑見周官內宰注又

釋文重又作種音同穆本又作稑引說文云稑或從

麥

納于昫陰 夂部 七月八章三之日納于凌陰

按周禮凌人鄭注引詩作凌陰釋文引說文作昫音
凌

隸天之未陰雨 隸部 鳴鵙二章追天之未陰雨

按家語作殆

予手拮据 手部 鳴鵙三章同

唯予音之嘒嘒 口部 鳴鵙四章予維音嘒嘒

按爾雅作僬僬

霤雨其濛 雨部 東山四章皆作零雨其濛

按楚辭章句作零雨其蒙石鼓庚文云霤雨奔流又

鐘鼎文皆以需為令

蝟蝟者蜀

虫部

東山首章蝟蝟者蜀

町墮鹿場

田部

東山二章町墮鹿場

按釋文町字又作圻墮本又作墮字又作墮

熠燿宵行

火部

東山二章同

按傳云熠燿燐也說文引詩熠燿盛光也與末章熠燿其羽同義朱子亦謂熠燿明不定貌宵行虫名又崔豹古今注螢火一名燿夜一名景天一名熠燿一名丹良一名燐一名丹鳥一名夜光一名宵燭腐草為之釋文熠燿螢火也

藿鳴于垤

藿部

東山三章藿鳴于垤

按釋文云本又作藿韓詩作藿見文選注徐鍇云今

俗作藿

藿鳴于垤

土部

又缺我斨

斤部

破斧首章同

載躓其尾

足部

狼跋首章載躓其尾

按詩注躓踣也說文踣躓也釋文本作躓又跋字或

作跋同

赤舄擊擊

手部

狼跋首章赤舄几几

赤舄几几

几部

詩文引經考

口部

小雅鹿鳴首章呦呦鹿鳴

視民不佻

人部

鹿鳴二章視民不佻

按左傳作佻

食野之芩

艸部

鹿鳴三章同

周道倭遲

人部

四牡首章同

按韓詩作倭夷又文選注引薛夫子章句作威夷又作郁夷釋文本又作委

嘽嘽駱馬

口部

四牡二章同

按漢書注作驪驪

彳彳駱馬

彳部

載驟駉駉

馬部

四牡五章同

莘莘征夫

焱部

皇華首章駉駉征夫

按韓詩作莘莘見外傳國語亦作莘莘楚辭章句作
侁侁又皇詩傳詩說俱作煌

六轡如絲

絲部

皇華二章同

我馬維驕

馬部

皇華二章至五章我馬維駒維騏維駱

維駒無維驕句

按詩考載皇華篇釋文維駒本亦作驕

萼不鞿鞿

萼部

常棣首章鄂不韡韡

按韓詩序夫移燕兄弟也又藝文類聚夫移之華萼

不焯焯釋文不鄭改作拊又左傳引鄂不韡韡唐石
經作韡韡釋文作韡又棣作移者非

原隰浮矣

手部

常棣二章原隰哀矣

兄弟鬪于牆

門部

常棣四章同

按釋文本或作廡

飲酒之饌

食部

常棣六章飲酒之飮

按說文饌燕食也省作飮非又韓詩作醢

伐木所

斤部

伐木二章伐木許許

按傳云許許柿貌說文云所伐木聲尋詩意毛說
爲長許所古通字漢書疏廣傳注幾所猶言幾許也

有酒湑我 水部 伐木三章同

按釋文本又作醑

鞞鞞舞我 夂部 伐木三章坎坎鼓我

按釋文坎引說文作鞞又繫傳今作坎坎假借也

樽樽舞我 土部 伐木三章蹲蹲舞我

按釋文本或作樽引說文云土舞也從土尊徐鍇曰

周禮舞者皆土也

如月之恒 二部 天保六章同

按古文恒从月六經正誤恆字从心从互互居鄧反
从二从月以犯宋廟諱故去下畫釋文本亦作緼同

彼蕭維何艸部采薇四章彼爾維何

按董道曰爾雅注說文皆作蕭蕭華盛貌釋文引說

文作蕭

四牡騤騤馬部采薇五章小雅六月首章大雅桑柔二

章大雅烝民八章俱同

檀車憚憚巾部杖杜三章同

按韓詩作檀車張張又作緜緜

烝然鯁鯁魚部南有嘉魚首章烝然罩罩

按六經正誤罩籠也正義同典國建本作籠玉篇同

籠亦作籠說文籠罩魚者省作籠集韻籠作籠

蒸然汕汕

水部

南有嘉魚二章蒸然汕汕

北山有棟

木部

南山有臺五章同

按詩傳詩說臺俱作臺

零露漙漙

水部

蓼蕭首章同

零露漙漙

水部

蓼蕭四章同

厭厭夜飲

心部

湛露首章二章皆作厭厭夜飲

按韓詩作惓惓詩考引說文作厭厭又按甘部注云
獸飽也从甘从朕隸變加厂又或作饜厭字注云安
也然則厭當作厭也

彤弓昭兮

弓部

彤弓三章皆同

其大有願

頁部

六月三章同

既佶且閑

人部

六月五章同

約軼錯衡

車部

采芑二章同又商頌烈祖章同

振旅嗷嗷

口部

采芑三章振旅闐闐

決拾既伙

人部

車攻五章同

按周禮繕人注引詩作抉拾既次集韻引作决拾既

次釋文作决注本又作決或作抉同

助我舉擘

手部

車攻五章助我舉柴

按詩集註柴說文作擘謂積禽也釋文引說文亦作

擘

麇鹿嘯嘯

口部

吉日二章麇鹿麇麇

按釋文麇引說文作嘯

伾伾俟俟

人部

吉日三章儻儻俟俟

按韓詩作駮駮俟俟見後漢書注釋文儻本作庶又

作儻

哀鳴嗷嗷

口部

鴻雁三章哀鳴嗷嗷

按釋文嗷本又作嗷

鸞聲鉞鉞

金部

庭燎二章鸞聲噦噦又魯頌泮水首章

亦作噦

按說文鉞注今俗作鉞以鉞爲斧戍之戍又按董彥

遠除正字謝啟云隸體散亡其守鸞聲之鉞鉞又見
尚書牧誓引經注

民之譌言

言部

汚水三章民之訛言正月首章五章亦

同作訛

按徐鍇曰今作訛假借也又書南訛史記引亦作南
譌蓋譌與訛古字本通無羊篇或寢或訛韓詩作譌
他山之石可以爲厝厂部 鶴鳴首章他山之石可以爲
錯

按釋文它古他字又引說文錯作厝字林同

鶴鳴允臯聲聞于天

鳥部

鶴鳴二章同

按韓詩章句九皋九折之澤孫叔敖碑云收九皋之
利宰卽皋字考此當作皋作臯者乃後人亂之非許
氏本文

如翬斯飛

羽部

斯千四章同

按古輝暉翬皆以軍得音徐鉉注爲从揮省者誤

其泣嗶嗶

口部

斯千八章同

載衣之襜

衣部

斯千九章載衣之襜

按釋文襜韓詩作襜

九十其疇

牛部

無羊首章同

按釋文本又作疇

詩文苑類考
牧人乃夢

支部

無羊四章牧人乃夢

按六經正誤夢作夢誤夢从艸音寡非从艸也

憂心如惓

心部

節南山首章同

按釋文韓詩作如炎字書作焱說文作天

天方薦嗟

田部

節南山二章天方薦嗟

謂地蓋厚不敢不趨

秃部

正月六章謂地蓋厚不敢不

趨足部

□□

胡爲虺蜥

虫部

正月六章胡爲虺蜥

按釋文蜥字又作蜥蜥也

赫赫宗周衰如威之

火部

正月八章同

按左傳作滅又靈臺碑典威繼絕詛楚文伐威我百姓皆以威爲滅又漢書五行志引之亦作威師古曰威滅也釋文本或作滅

伯伯彼有屋

人部

正月十三章此彼有屋

按釋文引說文作伯

駑矣富人

可部

正月十三章同

燭燭震電

火部

十月之交三章同

豔妻偏方處

人部

十月之交四章豔妻煽方處

按說文火部載煽字新附繫傳作偏方熾釋文引說

文作傷云熾盛也魯詩作閭妻扇方處見漢書

樽杳背憎 口部 十月之交七章同

按釋文樽引說文作樽嗜本又作杳

樽杳背憎 人部

莫知我勩 力部 雨無正二章同

按韓詩作雨無極

翁翁訛訛 言部 小旻二章滄滄訛訛

按劉向作歛歛釋文引爾雅作滄滄訛訛荀子作翁

翁訛訛

戰戰兢兢 聿部 小旻六章同

按左傳引作戰戰矜矜

螟蠕有子蠕羸負之

虫部

小宛三章螟蛉有子蜾蠃負

之

宜狝宜獄

豸部

小宛五章宜岸宜獄

按韓詩作狝鄉亭之繫曰狝朝廷曰獄周禮注作宜

狝

踧踧周道

足部

小弁二章同

按漢書小弁作小卞音盤又詩考引爾雅踧踧作儻

儻

有淮有淵

水部

小弁四章同

譬彼羸木

广部

小弁五章譬彼羸木

按釋文譬本亦作辟壞引說文作羸

行有死人尙或燼之

火部

小弁六章行有死人尙或燼

之

按釋文燼引說文作燼

僭始既涵

水部

巧言二章同

按韓詩涵作減

戢戢大猷

大部

巧言四章秩秩大猷

按玉篇作戢漢書注作秩秩大猷

既微且癘

广部

巧言六章既微且癘

祇攪我心 手部 何人斯四章同

有覲面目 頁部 何人斯八章同

縷兮斐兮成是貝錦 糸部 巷伯首章斐兮斐兮成是貝

錦

按巷詩傳作巷釋文斐本或作非

哆兮侈兮 金部 巷伯二章同

按繫傳引若詩曰侈兮之侈同與說文異詩考作侈
兮侈兮崔靈恩集注侈兮侈兮又侈詩考作侈

聃聃幡幡 口部 巷伯三章緝緝翩翩巷伯四章捷捷幡

幡

按釋文緝引說文作聃翮又作扁

餅之罄矣

在部

蓼莪三章同

按漢孔耽神祠碑竭凱風以惆悵惟蓼儀以愴恨平
都相蔣君碑感慕詩人蓼蓼者儀並以儀爲莪衛尉
卿衡方碑感衛人之凱風悼蓼義之劬勞司隸校尉
魯峻碑悲蓼義之不報並以義爲莪蓋儀義二字古
皆音莪也

瓶之窶矣

穴部

有饒簋殮

食部

大東首章同

潛焉出涕

水部

大東首章同

按釋文潛引說文作潛

岐彼織女

七部

大東五章岐彼織女

按釋文引說文作岐詩考作歧

匪數匪鳶

鳶鵒

四月七章匪鵒匪鳶

按鵒徒九反音團鵬也釋文或作鷺鷥亦鷺鳥也

隰有杞桋

木部

四月八章同

按釋文桋本亦作莢

借借士子

人部

北山首章同

四牡騶騶

馮部

北山三章四牡彭彭

按韻會云騶通作彭詩緝云詩中彭彭並如字俗讀

如邦者誤又詩考亦載烝民篇又按駟卽彭也易匪其彭子夏本作旁是旁與彭通

至于芃野 艸部 小明首章同

水流湑湑 水部 鼓鐘三章淮水湑湑

憂心且妯 心部 鼓鐘三章憂心且妯

我粼黍稷 風部 楚茨首章我粼黍稷

按禮記注引作楚薺又楚辭作楚楚者蕢又粼釋文

作薺

祝祭于粼 示部 楚茨三章祝祭于粼

按粼或从方注門內祭先祖所以傍徨爾疋祊謂之

門毛傳訪門內也釋文引說文作𦵏

我孔熯矣

火部

楚茨四章同

既燙既渥

水部

信南山二章同燙作𦵏

按釋文引說文作燙

取其血臄

肉部

信南山五章取其血脣

按說文又作脣从勞省聲

黍稷薿薿

艸部

甫田首章同

按漢書引作𦵏

薿薿

弄部

去其螟蟊

虫部

大田三章去其螟蟊

按釋文螻引說文作螻字亦作螻五經文字亦作螻
按螻古文作螻見朱育集字與毛詩合又唐公房碑
作螻孫叔敖碑作貸與說文略同呂覽五月紀曰百
螻時起高誘曰螻讀近殆兗州人謂蝗爲螻其音與
說文亦同

有泮淒淒

水部

大田三章有泮萋萋

按韓詩作弁呂氏春秋作有泮淒淒與雲祁祁漢書
引泮作斲釋文泮本又作弁與雨霽或作與雲非也
有鶯其羽

鳥部

桑扈首章同

按釋文引說文扈作扈

受福不饑

鬼部

桑扈三章受福不那

兕觥其觶

角部

桑扈四章兕觥其觶周頌絲衣章兕觥

其觶

按周禮小胥注引作兕觥其觶釋文觶本或作觶又

按觶角兒良耜云有球其角箋云球角貌穀梁傳云

展觶角而知傷范甯云觶球球然角貌則觶與球皆

當作觶

有頍者弁

頁部

頍弁首章三章五章同

按詩傳詩說俱作頍

萬與女糲

糲部

頍弁首章二章同

葛與女蘿

山部

憂心忉忉詩類并三章同

高山仰止

七部

車華五章高山仰止

按古仰字讀作卬周禮保氏注軍旅之容闕闕仰仰本又作卬蓋卬與行同音也國語子餘曰重耳之卬君也若黍苗之卬陰雨也亦作卬釋文仰止本或作仰之

營營青蠅

言部

青蠅首章營營青蠅止于樊

按史記作藩漢書作藩又作至于藩釋文營引說文作營

營營青蠅止于楸

交部

營營青蠅

黽部

威儀忸忸

人部

賓之初筵三章威儀忸忸

按釋文忸引說文作忸

載號載嘷

口部

賓之初筵四章同

屢舞僛僛

人部

賓之初筵四章同

仄弁之俄

人部

賓之初筵四章側弁之俄

按繫傳作側

屢舞傴傴

人部

賓之初筵四章同

屢舞娑娑

女部

有頌其首 頁部 魚藻首章同

畢沸濫泉 水部 采菽二章大雅瞻卬七章威沸檻泉

按水部兩引詩同又按詩考引說文一作威沸濫泉

一作渾沸濫泉又釋文菽本亦作叔

鱗鱗角弓 角部 角弓首章駢駢角弓

按釋文駢引說文作弼

雨雪濼濼 水部 角弓七章同

按韓詩荀子作庶庶外傳作濼濼

見睨曰消 目部 角弓七章同

按韓詩作瞋睨聿消韓詩外傳引作見睨聿消漢書

荀子作聿消

芄芄黍苗

艸部

黍苗首章同

澆池北流

水部

白華三章澆池北流

按一作澆沱徐鉉曰沱沼今別作池非是流韓作漚

叩烘于熯

火部

白華四章同

念子懔懔

心部

白華五章同

按釋文懔懔亦作慘慘

視我怖怖

心部

白華五章視我邁邁

按釋文韓詩及說文並作怖怖

詩大疋

疋部

大雅

天難諶斯

信部

太雅大明首章天難忱斯

按韓詩作詵見外傳漢書與說文同又按蕩首章今詩作其命匪諶說文作忱

在郃之陽

邑部

大明四章在洽之陽

按詩注洽水名本在今同州郃陽夏陽縣今流已絕故去水而加邑釋文作洽又引應劭云在郃水之陽郃音戶答反

倪天之妹

人部

大明五章同

按韓詩作馨天之妹

其旒如林

旗部

大明七章其會如林

按旂又見左傳引經考旂動而鼓下

縣縣瓜脰

瓜部

縣首章同

陶復陶穴

穴部

縣首章陶復陶穴

按釋文引說文作覆繫傳未引詩

抹之隕隕

手部

縣六章同

抹之饑饑

自部

馨鼓弗勝

鼓部

縣六章同

犬夷咽矣

口部

縣八章混夷駝矣

按左傳作啖夷嚙矣

昆夷駝矣

馬部

薪之楨之

木部

楨樸首章同

按釋文作楨字亦作楨

倬彼雲漢

人部

楨樸四章雲漢首章同

榛楛濟濟

木部

旱麓首章同

按國語尖旱鹿之榛楛殖故君子得以易樂干祿焉
旱麓作旱鹿釋文麓本亦作鹿

瑟彼玉瓚

玉部

旱麓二章瑟彼玉瓚

按周禮典瑞注作卹彼賈公彥曰蓋古文以瑟爲卹
也釋文瑟字又作瑟

莫莫葛藟

艸部

旱麓六章同

按後漢書作葛纍釋文字又作纍同

施于條枚木部 旱麓六章同

按呂氏春秋韓詩作延于條枚

神罔時侗人部 思齊二章神罔時侗

按釋文齊本亦作齋

乃眷西顧目部 皇矣首章同

按釋文眷本作睠又作券並音眷同又齊詩作迺眷

其灌其榭木部 皇矣二章其灌其榭

其壓其柘木部 皇矣二章同

崇墉培塿土部 皇矣八章崇墉培塿

按釋文引說文作怵韓詩作佻搖也

白鳥鷺鷥羽部靈臺二章同

按孟子作鶴鷺賈誼新書作鳴鳴

於物魚躍牛部靈臺二章同

巨業維樅辛部靈臺三章虞業維樅

吹求厥寧欠部文王有聲首章通求厥寧

按孫炎爾雅注云通古述字

不圻不隳土部生民二章不圻不副

按何楷曰副本作顯說文注云判也

后稷呱矣口部生民三章同

實覃實吁

曷部

生民三章實覃實吁

按釋文覃本或作譚

克岐克嶷

口部

生民四章克岐克嶷

按詩考引說文亦作克岐克嶷嶷釋文云說文作嶷

禾穎穠穠

禾部

生民四章禾役穠穠

按禾部兩引詩

瓜瓞葦葦

玉部

生民四章瓜瓞嗒嗒

按集韻作蒔蒔

瓜瓞葦葦

口部

卽有邵家室

邑部

生民五章同

按白虎通作有台又漢書地理志后稷封黎注讀曰

部

誕降嘉穀惟秬惟秠禾部生民六章誕降嘉種維秬維

秠

或籛或百日部生民七章或舂或揄或簸或蹂

按說文云百杼臼也从瓜白引詩或簸或百或作杼
从手从穴或作杼从臼穴今考儀禮有司疏云讀从
詩或舂或杼注杼杼臼也案今毛詩生民云或舂或
揄毛傳云揄杼臼也不作杼者周禮地官女舂杼二
人注云杼杼臼也詩云或舂或杼董氏引韓詩揄作

按鄭先通韓詩故讀从之是揄百揆欸四字並同又
詩釋文揄引說文作百百訓又與揄同明籒當作春
又姚令威謂後人改百爲蹂則是宋時說文已以春
作籒矣

烝之煇煇

火部

生民七章烝之浮浮

按釋文浮爾雅說文並作煇云烝也

取羝以輶

車部

生民七章同

按釋文作羝字亦作羝又六經正誤今詩正文作羝
是作羝非

酒醴維醕

酉部

行葦四章同

令終有俶 人部 既醉三章同

室家之壺 口部 既醉六章室家之壺

鳧鷖在梁 鳥部 鳧鷖五章在涇在沙在渚在濼在壺無

在梁字

鳧鷖在濼 水部 鳧鷖四章同

公尸來燕醺醺 酉部 鳧鷖五章公尸來止熏熏

按釋文引說文熏作醺

可以饋饎 食部 洞酌首章可以餼饎

按釋文餼又作饋

鳳皇于飛翾翾其羽 羽部 卷阿七章八章皆同皇作鳳

按說苑作噦噦其羽五經蠡測作鳳皇于飛刺刺其

羽

藹藹王多吉士

言部

卷阿七章同

鳳凰鳴聲喈喈

口部

卷阿九章鳳凰鳴矣又雝雝喈喈

葦葦萋萋

艸部

卷阿九章同

汽可小康

水部

民勞首章汽可小康

按漢書作迄箋云汽幾也釋詁曰譏汽也譏古幾字

見碧落文汗簡云

替不畏明

日部

民勞首章替不畏明

按釋文慘本亦作替左傳引作慘王肅曰慘宜改替

憊曾也

以謹憊恆

心部

民勞二章同

按周禮大司馬卒長執鏡疏引毛詩作以謹謹憊恆
釋文引說文作昏

無然咄咄

口部

板二章無然泄泄

無然詎詎

言部

按詎詎一作咄咄皆訓多言今本作泄泄誤釋文引
說文作咄爾雅作洩洩

詞之斟矣

十部

板二章辭之輯矣

小子躑躑

足部

板四章同

多將焯焯 火部 板四章同

按詩考引爾雅作謫謫

民之方唵 口部 板五章民之方殿屎

按唵一作殿釋文殿屎引說文作唵

价人維藩 人部 板七章同

按荀子作介人釋文鄭作介云甲也

天命匪忱 心部 蕩首章天生烝民其命匪謔

按詩考亦載蕩之篇韓詩作其命匪訖

不醉而怒謂之癡 大部 蕩六章內吳于中國注吳怒也

孔穎達曰吳者怒而作氣之貌

按語見毛傳巽作異釋文巽字注引不醉而怒曰巽
白圭之詞刀部抑五章白圭之玷

按抑戒詩傳詩說俱作齎戒釋文引說文玷作𠄎

莫捫朕舌手部抑六章同

告之諾言言部抑九章告之諾言

按今人作書凡从昏之字皆誤从舌如禹貢杔幹楛
栢今本誤爲栝左傳晤而與之語今本譌爲晤疑諧
字後世譌爲話耳又按說文引作傳曰故又見於左
傳引經考

國步斯曠目部桑柔二章國步斯曠

牲牲其鹿 生部 桑柔九章同

蔽蔽山川 艸部 雲漢五章滌滌山川

旱魃爲虐 鬼部 雲漢五章同

有誠其聲 言部 雲漢八章有嘒其星

詒訓 言部 烝民二章古訓是式

按說文只引詒訓無是式二字此猶顛首攜手駮牝之類又按唐石經及正義皆作詒訓古與詒通釋文作故訓正義云定本作故

四牡駮駮 馬部 烝民七章四牡彭彭

按駮音肩繫傳云今作彭詩考引入烝民之篇又詩

考引說文作駟牡鸞鸞

奕奕梁山 大部 韓奕首章同

按爾雅疏作奕奕

鉤膺鏤錫 金部 韓奕二章鉤膺鏤錫

按釋文作錫

鞞鞞淺幘 革部 韓奕二章同

按釋文鞞亦作鞞幘本又作鞞

顯父餞之 食部 韓奕三章同

按釋文父本亦作甫

惟葦及蒲 彌部 韓奕三章維筍及蒲

按釋文簡字或作筭

獻其貔皮

牙部

韓奕六章同

按釋文貔本亦作貍

敵彼淮瀆

水部

常武四章鋪敦淮瀆

按韓詩作敷敦淮瀆釋文敦鄭作屯

籟人伎忒

人部

瞻卬四章鞠人伎忒

按繫傳作鞠

蝨賊內訌

言部

召旻二章同

諶以溢我

言部

周頌維天之命章假以溢我

按注何之爲假聲之轉也恤之爲溢字之訛也左傳

何以恤我王應麟謂朱子取左氏傳又廣韻引說文
作譏以謚我又按譏與何音相近故譌爲何溢與謚
字相類謚又與恤通皆訓爲慎古文虞書惟刑之恤
哉伏生尙書作謚此其證也

載戢于戈

戈部

時邁章同

載囊弓矢

彙部

時邁章同

鐘鼓鏗鏘

金部

執競章鐘鼓嗶嗶

按金部兩引詩同

管磬鏘鏘

足部

執競章磬筦將將

按筦音管漢書磬管鏘鏘釋文筦本亦作管將引說

文作燈燈詩考引漢書作磬管鏘鏘引說文作燈燈
按詩考引有瞽詩應幘縣鼓見司禮大師注魏張揖
廣雅釋樂引詩亦作應幘縣鼓因附識於此

詒我來麤

來部

思文章貽我來牟

按韓詩貽我嘉麥漢書飴我釐麤飴讀與貽同釐又
讀與來同麤音牟釋文云貽字又作詒牟字書作麤
或作麥

痔乃錢鑄

金部

臣工章痔乃錢鑄

按周禮考工記鄭注引詩作痔乃錢鑄五經文字作
痔釋文亦作痔玉篇作僣待也僣也痔不可據痔病

也又按金部兩引此句

倅革有瑒

玉部

載見章倅革有鶴

按釋文鶴本亦作鶴

煢煢在穴

穴部

閔予小子章嬛嬛在疚

按漢書齊詩作煢煢在疚文選注韓詩作惓惓在疚
釋文嬛本作煢疚本又作穴

有飮其饑

口部

載芟章同

有飮其香

食部

載芟章同

按釋文飮字又作苾

夔夔良耜

夂部

良耜章同

既秣茶蓼

艸部

良耜章以蓍茶蓼

按釋文引說文作以秣茶蓼爾雅作以秣茶蓼

獲之揜揜

手部

良耜章同

積之秩秩

禾部

良耜章獲之揜揜

按禾部兩引詩同

素衣其紵

糸部

絲衣章絲衣其紵

弁服侏侏

人部

絲衣章載弁侏侏

按爾雅戴弁侏侏繫傳同釋文引說文作綵

鼎鼎及藟

鼎部

絲衣章同

按說文注鼎鼎之絕大者毛詩朱注从之又注魯詩

說象小鼎象大鼎小詩自堂徂基自羊徂牛象鼎及
蕭言自內及外以小及大也與毛詩異又史記音義
作象鼎及哉釋文引說文作鑑字音茲

在駟之野

馬部

駟篇四章皆作在厓之野

按毛詩傳林外謂之厓厓非駟說文訓爲牧馬苑又
詩考駟駟牡馬河北本作牧馬釋文駟說文作駟

有駟有駟

馬部

駟首章有駟有皇

以車伾伾

人部

駟二章同

按說文字林作駟

有駟有駟

馬部

駟四章同

按繫傳未引

有駮有駮

馬部

有駮首章至三章皆同

按繫傳未引錯注引駮彼乘黃句

駮彼乘駮

馬部

有駮三章同

言采其蒹

艸部

泮水三章薄采其蒹

按蒹徐仙民音柳汗簡云古文尙書以蒹爲縮左傳縮酒說文引作蒹蒹與蒹同

束矢其搜

手部

泮水七章束矢其搜

按釋文搜依字作搜

桑葚

部

泮水八章食我桑葚

按釋文黠引說文字林皆作甚

黠桑甚之黑

黑部

穡彼淮夷

穡部

泮水八章憬彼淮夷

按韓詩作獵詩考引說文作穡釋文引說文作慮

憬彼淮夷

心部

閟宮有恤

人部

閟宮首章同

種稚禾麥

禾部

閟宮首章種稗菽麥

按釋文引韓詩作種稗種長稼也稗幼稼也

實始翦商

戈部

閟宮三章實始翦商

按翦傳云齊也箋云斷也鄭注周禮翦氏云翦斷滅

之言也說文戩滅也與鄭氏說合惟爾雅釋詁翦勤也據此太王自豳遷岐始能光復祖宗修朝貢之職勤勞王事其解爲長

夏而福衡

木部

闕宮四章同

貝胄朱纒

糸部

闕宮五章貝胄朱纒

鼗鼓鞀鞀

鼓部

商頌那章鞀鼓淵淵

按張平子賦作雷鼓鼗鼗

亦有和鸞

鸞部

烈祖章亦有和羹

按和古又作盃說文通釋亦有盃羹又漢書敘傳耿

中酥爲庶幾兮古和字

有娥方將女部長發首章同

不競不綌糸部長發四章同

布政憂憂久部長發四章敷政優優

按左傳布政優優

百祿是摯手部長發四章百祿是道

武王載坡土部長發六章武王載旆

按繫傳云今詩作伐荀子作武王載發韓詩亦作發
韓詩外傳引作武王載旆坡與發通公孫文子名拔
或作發見檀弓注又周禮大司馬中夏教芟舍鄭注
芟讀如萊沛之沛沛與旆皆音浦貝反與芟舍音通

是施亦讀爲坡古音通也

阿衡

人部

長發七章實維阿衡

梁入其阻

网部

殷武首章梁入其阻

按釋文梁引說文作梁

松栢有榘

木部

殷武六章同

憂心忒忒

火部

按陳氏九經考異憂心如惓韓詩作炎說文作忒忒如惓如焚韓詩漢書並引作如炎又有謂說文內引詩憂心忒忒詩無此語或是炎炎之異文釋文炎本或作惓

讀文訓義考
以晏父母

女部

按詩考引此句亦不注篇名

素以爲絢兮

糸部

逸詩

南有喬木

天部

周南漢廣首章同

徐鍇引

按釋文喬本亦作橋

逍搖

走部

鄭風清人二章河上乎逍遙

徐鍇引

按詩用逍遙字甚多鉉謂字林所加古時只用逍搖
字釋文逍本作逍遙本又作搖

既禱既禱

示部

小雅吉日首章既伯既禱

徐鍇引

按周禮大司馬有司表貉先鄭云貉讀爲禱謂師祭

也又甸祝表貉杜子春讀貉爲百爾所思之百書亦
或爲禡後鄭肆師注貉讀爲十百之百蓋貉讀爲禡
又讀爲百百卽伯也字異而音義同又甸祝禡牲禡
馬杜子春云禡禱也後鄭謂禡讀如伏誅之誅今侏
大字也釋文云禱說文作禡蓋禡當讀若侏古周朱
同音故說文禡从示周聲

不吳不揚

失部

魯頌泮水六章同

徐鍇引

按吳舊有作吳者故徐鍇注曰吳大言故吳口以出
聲今寫詩者改吳作吳又音乎化切其謬甚矣又按
漢書郊祀志引周頌絲衣詩不吳不敖宋婁機以爲

漢書無音詩音胡化反讀作吳誤釋文引說文作吳
吳大言也何承天云吳字誤當爲吳從口下大故魚
之大口者名吳胡化反此音恐驚俗也音話

按晁說之云齊魯韓三家之詩其說與毛詩不類以
關雎葛覃卷耳鵲巢采芣采蘋騶虞鹿鳴四牡皇皇
者華之類皆爲康王詩王風爲魯詩鼓鐘爲昭王詩
異同不可悉舉賈誼以騶虞爲天子之囿以木瓜爲
下之報上劉向以衛宣夫人作邶栢舟以黎莊公夫
人作式微陳婦道蔡人之妻作采芣之類皆三家之
說也又按鄭注周禮甸讀與惟禹敝之之敝同古田

陳甸乘皆同音上天之載讀曰裁按漢書揚雄傳引
作上天之緯至于湯齊讀爲躋所述皆韓詩也王伯
厚曰許叔重說文謂稱詩毛氏皆古文也而字多與
今詩異豈詩之文亦如書之有古今歟又詩考引彼
黍稊稊其弁伊璫舍爾介邈之句作說文今說文未
見

說文引經考